

公

餘

集

公餘集卷四

竹軒劉秉恬著

五月朔日

龍神寺拈香默禱

濃雲看四起  
雨脚欲垂天  
刈麥人俱暇  
栽秧事可專  
所希禾遍地  
尤望水盈田  
修潔申虔意  
昭々自默憐

簡楚南陸撫軍二首

回首承明上直天  
光華指顧在當前  
自從劍閣乘輶往  
繼復昆池奉檄遄  
日逐風塵無定迹  
遙瞻齊魯似登仙  
陸公當日作宦山左  
清輝固已難相接  
况復魚書不易傳

近喜封圻驛路連  
郵筒往復意頻宣  
新詩遞到欣三復  
舊雨相思在一天  
六詔晴雲迎曉日  
五谿流水導清泉  
傳來教孝新章奏  
我早知君燭理先  
陸公前任方伯曾有陳情之奏旨准行近於楚撫任內

條奏各官親老者患令回  
籍終養亦蒙俞允

贈蔣雲隈水部二首

本是翩翩一謫仙  
乘風吹送到南天  
材堪扛鼎心偏逸  
體不勝衣識却堅  
才子君稱何水部  
使君我愧謝臨川  
而今夜話昆池上  
猶似承明對月圓

君曾簪筆星辰上  
我亦論交日月邊

簪筆星  
辰上論

交日月邊乃軍機處  
直廬所書對聯也

早入東華聽漏箭  
暮歸

西苑添爐煙相逢邊徼猶如故念到京華倍  
悵然計日登仙君自去我偏留滯駐南滇

端陽

四時行過半三節此居先

俗以端陽中秋射  
度歲為三節

柳傳佳會釵符慶午天人同過令序我獨盼  
豐年佇待連宵雨新禾插滿田

賦得榴花照眼明

得紅字

庭前何燦爛滿樹石榴紅翡翠攢千葉珊瑚

挂幾叢無香饒四座有色耀雙瞳錯認爐中  
發還疑火上烘早看迎曉日晚欲傲殘虹莫  
道臙脂麗圖來恐未同

桑椹

摘來牆下味嘗初豈是鳴鳩竊食餘色似墨  
淋甘似蜜曲為彷彿恐難如

玻璃燈

玻璃何用好朗々護燈明表裏光全澈高低

影自橫月籠疏綺白冰貯玉壺清彷彿終難  
肖長吟聽漏聲

時將夏至雨未充足栽秧僅及一半農

田望澤孔殷敬詣

神前虔禱

平疇欣已種高壤未栽全細雨頻霑矣甘霖  
望沛然拈香申禱切蠲吉攷心虔佇待雲峰  
起溶溶布滿天

自鳴鐘

金鐘不擊鳴辰刻  
宸分明機露天人  
巧聲傳製作精  
壺中懸日月袖裏  
轉璇衡晷影余心  
切聞鐘倍繫情

表

小小團團表長短  
鍼輪周無滯理機  
動有微音分刻於  
中見時辰就裡尋  
取携如我意繡裏  
繫衣襟



賦得夏雲多奇峯

得峯字

入夏行時雨為雲作色濃無心還出岫有勢  
即成峯變刃應多態高低各露容乍疑披玉  
女還似簇芙蓉海上來三島天邊擁萬松遙  
看膚寸合知是欲從龍

梔子花

薝蔔來西域新開皎潔花同蘭香更烈比玉  
色無瑕雅淡殊羣豔輕盈展素紗日長人易

倦相對興偏賒

日來禱雨未應自責以祈

神佑

匆匆夏至過尚未賜滂沱人事如無失  
天工豈有訛省躬情莫恕責己理當苛刻  
持斯意庶嘉感自多

玫瑰花

數枝饒紫豔品彙此稱芳嬌麗無窮媚甘甜

有味香為囊同腦麝作醬搗糖霜更喜家  
買輕盈貯小筐

珠蘭

花質珠相似花名亦副蘭珠圓粒粒魚子  
小團穗細香聞遠叢絲蕊結攢當階添潤  
色翡翠映朱欄

噴壺

噴壺何用好提取灌花勻似雨垂枝潤如珠

滴葉新一罌函玉碧千縷挂絲銀製作雖稱  
巧何如澤沛神

近日祈雨故云

### 挂瓶

小瓶挂粉牆滿壁插花香不用陳書案偏宜  
映畫梁凌空高位置舉首接芬芳坐久飛千  
片時看點縹緗

### 結壇誦大雲輪請雨經誌事

設壇禱雨意殷虔輪蓋龍王法相懸不斷燈

花光四座無窮威德普諸天雲峰起處疑膚  
寸膏澤施來徧大千佛說行慈龍起聽此經  
却自

內廷傳

玉琢玉蘭花

花色渾如玉花名賜玉蘭命工將玉琢得象  
作花看潔白無香馥晶瑩具質寒朝一欣在  
握花蕊不憂殘

送費方伯告養回浙二首

燕臺聚首紫雲邊  
晉水相逢又一年  
此地到來如昨日  
忽言歸去在當前  
帆開萬里輕舟  
遠路遶千山  
匹馬旋正欲乘時  
同努力留君  
不住益淒然

賦歸豈為遂初思  
言及萱堂鬢已絲  
忠孝由來原一理  
子臣從古本無歧  
我留南詔希良  
吏君去西湖是好  
兒他日雙魚傳  
遠信計應

慈母抱孫時

奉到端陽節

恩賜紫金諸色丹鉸恭紀

中天行

慶賜寵荷感臣衷

澤被長年有

恩深萬里同  
鵲黃垂穗綵金紫映丹紅  
君惠非私已  
降分寮案公

九龍池荷花

出水風光在眼前紅衣綠蓋忽翩翩  
自春徂夏無多日攬勝尋芳又一天  
撲鼻清香行處繞環城好景望中鮮  
尤希大沛滂沱雨水滿龍池澤滿田

小樹高纔及尺上垂紅果十餘枚力薄  
擎重因賦

樹小高纔尺垂垂果似丸自饒風味好不覺



賦形單力弱枝偏穩根深蒂可安栽培多歲月何異出爐丹

余於壬辰歲奉

命往四川軍營督理糧餉迨軍務告歲仍留成都稽核軍需奏銷至己亥春始回京師計在川省凡八年每於公暇輒取古文蘇詩按次吟誦以遣旅懷時值池荷盛開偶將花瓣夾入書內以

誌讀到之處今夏復理舊業見書內  
花辦如故撫今追昔因賦長句一首  
誌事

託迹西川忽八年歸携書篋自蕭然古文數  
帙從容讀蘇集全編取次研展卷尚看蓮辦  
在撫躬不覺歲華遷功勞甘遜曹樞密彷彿  
義倫或並肩宋時曹彬伐蜀能戰下秋毫無  
犯及其功成而還索中惟圖書  
衣衾清庶畏慎名遂於朝於是宋主賞彬特  
優時轉運使沈義倫在蜀獨居蔬食及歸篋

中惟書數卷宋主嘗問彬以官史善否彬  
薦義倫可任宋主亦問其清節過人焉

夜來香

花多喜向陽何事夜來香  
暗裡侵羅帶燈前襲繡裳  
雅宜邀月淡味好送風涼  
散步聽更轉芬芳正未央

核桃

含核桃名附如桃顙  
團春華逢夏實外固  
豈中乾玉李形輸脆  
葡萄味覺酸那如嘗此

果飢飽可充餐

詠如意

如意亦堪吟稱名取義深  
指揮人聽命把握我從心  
觸目非空相藏懷等寶琛  
所希如意事當晚得甘霖

玻璃窗

一片玻璃白懸窗却窺宜  
拂來原有間看處了無遺  
紙薄輸能鑒綃輕恥稍鴻  
何如相對

此目爽更神怡

孔雀

滇南多孔雀羽翰自翩翩展扇金光耀開屏  
翠澤妍翅攢連理錦尾印五銖錢自愛翎毛  
好翱翔暎日鮮

曉發會垣

旌旆出重城行々第一程雨雲猶未散晴日  
已高生路濕愁泥滑山間看翠橫所堪舒意

事央道插禾盈

碧雞關

肩輿緩度碧雞關俯瞰昆池水一灣舉首更  
知多勝地亂峯圍繞太華山

馬上

馬上看山々盡見山如逐馬々隨山一鞭遙  
拍煙雲裡無數峰巒與往還

安寧州

求安非易事所貴衆情寧號令民惟凜衣冠  
我作型知州無教養出牧自  
朝廷名義須無顧休徒任政刑

雨渡螳川

水山佳處是螳川密雨濛濛隱遠天新漲驟  
增來活水行人欲濟駕輕船淺篷微露時霑  
潤短棹斜飛欲破煙迴望好將圖畫擬倪黃  
淡筆寫林泉

觀插禾者

胡為在泥中栽秧致力工乍看開匹練旋見  
立千叢手足霑塗苦艱難老劣同我憐勤四  
體望歲倍忡忡

秋禾遍插雨已允足作

甘霖連日沛處處水盈塘早稻抽深綠新苗  
發嫩黃四圍無隙地一望盡秋梁好雨欣霑  
足還希詠載陽



途中遇雨

雞鳴天已曉山暗雨猶濛  
嶺樹縈雲綠巖花帶濕紅  
泥塗勞遠客蓑笠走邨翁  
那得舒晴意西南一陣風

祿豐縣

雄堞倚山雄堅城帶水潑  
千家民仰理一邑宰居崇  
教養心能盡桑麻利不窮  
時存此志祿自可長豐

題大慈寺心印堂

小屋三間心印堂有花有樹自芬芳池開半  
壁澄潭皎木範圍盆翠帶長以木為盆地接  
佛廬聞梵響人來客舍惹天香庭前有桂樹相期  
佩印諸君子時把吾心印莫忘

廣通縣

小邑休誇廣東西驛路通禾苗環郭外煙火  
集城中客館非高敞民居豈峻崇苟能勤治

理最爾亦堪風

楚雄城外有龍川河逼近城下每遇水  
發難免沖刷之虞乾隆壬寅夏六月  
來此履勘被水田畝相度地形於城  
北數里外將河身展拓越二年乙巳  
有司以工竣告復親到楚雄收工  
龍川近逼楚雄城相地遷移衛衆生滾、清  
流從北展魏、粉堞自南橫壬年到此方圖

始已歲重來共樂成我為民居難稍釋寧辭  
觸暑再親行

龍川收工後思及善後事宜因詩以勗  
龔太守張明府

圖始由來貴樂成樂成之後轉怍、欲求順  
軌須長策豈對安瀾即快情得暇莫忘堤上  
事能容自在地中行早知守土循良吏時把  
民生似我生

定遠途中

定遠非衝道三年一再過披雲盤曲徑厲石  
厯清波地僻人家少山深草木多班超非易  
匹到此意如何

題定遠縣署園池示郭令

山衙亦可暢幽情數畝芳塘一望平樹葉低  
垂波上碧花枝斜暎鏡中明臨池自得濠梁  
趣觀水時聞潑刺聲此地從來稱政簡可能

玩賞慰平生

郭公久困場屋年五十餘歲  
士高次十餘年始得此職故

黑鹽井於壬寅夏被水沖沒維時親步

履勘當即疏請興修乙巳夏來井收

工撫今追昔深為慶慰云

前來曾見汨洪流屋宇亭臺一旦收

井亭井  
臺皆沒

鹵出鹽  
處也賴有

朝廷興百廢因而井竈得重修萬民生計今  
仍足三載經營此少酬往後不須愁淡食銷

公餘集

卷四

十五

鹽課賦正應籌

自楚雄回省途中作

竣事即言旋歸途緩著鞭簿書隨路理民隱  
遂程所攬轡將明候停驂未暮天節宣人馬  
力不是好留連

夏日途次口占

山城夜雨洗輕塵策馬朝行覺暢神  
巖色青雲氣散峽流滾滾水聲勻  
迎人小草含風

碧夾道閒花浥露新  
卓午人愁炎日逼  
還宜細雨灑頻頻

歸途過心印堂值桂花盛開

楚雄返轡此重臨  
正值天香放滿林  
佛地自應花早發  
山廬忽有客相尋  
風吹乍滴三更露  
日照還凝萬點金  
坐久晷移暉不覺  
時來馥馥襲衣襟

雨後



精廬避雨、初晴策馬涼風撲面迎雲氣猶  
籠遙嶺翠日光忽傍遠峰明山高望處心神  
曠天霽行來眼目清借問今宵何處宿停驂  
應在祿豐城

### 螳川溫泉

螳川形勢水山蟠中有溫泉可作盤不藉火  
炎能既濟居然水熱可消寒風塵洗去心同  
淨垢膩銷時夢亦安好是月明人浴後清茶

啜罷倚欄干

小松

竄好迤西路環山種小松高低成一片疎密  
列千重未有凌雲勢居然偃蓋容惟須培植  
好梁棟自堪充

回會垣作

歸騎策翩、行程半月旋遠山迷樹外近水  
繞城邊金碧千秋蹟川原萬頃田慶雲環集

處知是五華煙

五華山為年節朝集之所

賦得秋露如珠

得圓字

金風初入律玉露正含妍映月光偏白如珠  
粒自圓晶瑩真可愛搖曳更堪憐幾訝靈蛇  
吐還疑合浦旋花間凝顰樹杪滴消甘  
合銅盤貯明難繡線穿垂同瓔絡墜聚似冤  
旒聯佐雨施膏澤秋來寂澗田

雨夜鳴鶴

雨落深更後鶴鳴未曉天聲清來枕上點滴  
襟窗前白羽應全濕元晴却未眠誰知曾警  
露警雨亦同然

晚晴

雨落斜陽裡雲開送晚晴尺階猶滑濕斗室  
忽光明樹色添新翠花枝側嫩莖倍增清興  
處入夜玉鉤生

勸農事竣安瀾亭小集

乘時超事勸三農旌旆飄、緩轡從得賞歡  
呼人萬口插禾蔥翠畝千重晴來江色環城  
碧雨後嵐光遶郭濃公暇安瀾亭上坐秧歌  
漁唱聽從容

桃實

玉洞初開花爛漫金風乍拂子勻圓暈紅似  
藉朝晞淅淡綠猶含曉翠妍僅歷流光剛半  
載何須成熟待千年此中自寓貞元理後實

先華豈漫然

七夕

織女赴牽牛年、會一周明逢銀漢皎隱見  
鵲橋浮一水非相隔雙星莫自愁今宵靈匹  
聚何異上秦樓

登樓

薄暮登樓望無邊好景收嵐光連水白雲影  
共天浮晚雀爭高樹殘荷枕碧流更堪娛意

處秋稼滿田疇

集益齋

集益齋閒坐晴逢雨足時  
落花紅滿地流水碧盈池  
古柏參天秀新蘿上架遲  
當前多好景領略靜中知

雨後

邇日天時好陰晴正適宜  
風吹花氣潤雨打竹枝垂  
紫燕銜泥墜蜻蜓逐水馳  
迴廊來散

步即景可吟詩

紫薇花

忽見攢枝豔庭開百日紅  
自堪舒夏彩何事  
門春風曉共朝霞燦  
晴宜旭日烘  
西南多大樹

樹

此花在滇蜀二省多有大本

迴首紫薇宮

賦得升藏浮海得經字

大道周寰宇精微在六經  
尊崇如海嶽義理  
佩箴銘造極窺東岱窮源測北溟  
揣摩希古



公餘集

括研說發新馨禮樂資陶冶詩書奉典型下  
惟如捨此山水恐無靈

雨後郊行

朝來小隊行郊外款々閒行策馬遲樹綠偏  
增多雨後山青好在始晴時六河水漲金波  
轉四野禾稠玉露滋即目當前俱勝景生機  
活潑總如斯

夜雨見月

雨暗月光明高樓欲二更階前增色澤天際  
半陰晴雲自空中度輪從海上生少焉開霽  
後寰宇喜長清

過九龍池

晴佳緣雨足碧水滿池塘蓮葉侵蒲葉荷香  
間稻香隄平宜浴馬岸濶可容航偶爾來經  
過身疑到水鄉

賦得桂林一枝

得香字

秋來桂樹香馥，在東堂凡彙休相擬瓊枝  
獨擅芳拂塵迴雨露含秀耐風霜粒，攢金  
粟飄，暎畫廊君臣千載遇對策萬言長惟  
有昆山玉差堪一律方

秋日讌集新任蒼亭方伯署內是日考

核庫儲

紫薇花盛九秋天邇日薇垣氣象鮮一曲笙  
歌遊赤壁

是日歌者奏蘇子瞻赤壁賦

幾巡樽酒繞華筵

同儕共洽芝蘭永舉座長循禮法虔偶集却  
非尋樂事庫儲將達  
至尊前

射圃

秋晴風景好射圃偶徘徊種竹欣全活栽花  
喜半開王瓜垂架滿茄實摘筐堆日暇來勤  
武頻響鐃催

雨

雨落斜陽裡園中景物鮮花明添色潤竹重  
滴珠圓簷奏淙淙樂渠流滾滾泉山川來日  
祀靈爽故先宣

秋祀

山川壇

仲秋隆祀典月朔祭山川展禮臨期肅申齋  
預事虔高深呈瑞彩雲雨賜豐年社稷分壇  
祀同叨福庇全

郊行見秋禾遍野作

一望青無極  
三秋慶有年  
雲山同掩映  
竹樹共嬋娟  
傳有雙歧穗  
來行萬頃田  
紅鮮知可獲  
玉粒更期堅

秋祀

關帝

蠲吉後山川

先一日祭山川壇

威名配

帝天尊親人共戴俎豆世同延春祀如前日

公餘集



卷四

三

秋風忽半年試看松柏外藹々繞爐煙

和鄂西林相國巡視錢局登寶雲亭賞

荷原韻二首

青蚨濟庶黎荷葉萬錢齊嫩綠時依水新紅  
不染泥煙雲銜遠嶺竹樹夾雙堤勝地居何  
處城中近在西

銜

命撫滇黎思賢與彼齊惟期能砥礪不患隔

雲泥追步前人韻疑遊丞相隄寶雲亭上坐  
不覺月生西

和尹望山相國巡視錢局登寶雲亭觀  
荷元韻四首

寶雲亭在水之隈偶過無須一泛盃試問看  
花人有約一年曾得幾回來  
水亭何事費登攀俯瞰紅荷繞碧灣仁智各  
殊同有樂得閒還上太華山



依郭芙蕖筆可圖飄飄荷葉看飛蚨憑欄徙  
倚清流上鏡裡樓臺似有無  
花光水色帶雲霞彩筆題詩字不斜  
往拈風流閒後起  
勉循實政副聲華

賦得玉露團清影

得清字

金風初瑟縮玉露正圓明皎皎迎秋白娟娟  
暎月清潤花間有影滴葉淨無聲潔似冰壺  
澈涼同桂魄生蟾寒輝五夜鶴警唳三更上

下含珠滿高低共水縈銀河橫漢遠烏鵲遶  
枝驚此際江樓上離人最繫情

秋祀

文廟

代是文明日秋逢稔熟時階前齋後輩殿上  
肅

先師禮樂宮懸備衣冠裸獻宜殷々三獻畢  
升陟豈容疲

公餘集卷五

竹軒劉秉恬著

八月十三

聖壽日五華山齊集恭紀二首

今朝處、集鵷羣共上峯頭望慶雲萬國來  
同全盛日七旬有去聲五

古稀君無疆

聖壽南山永有道

皇風北闕殷更喜三秋逢大稔滿城士庶色  
欣欣

憶我來滇曾幾載五年五上五華峰金風玉  
露澍秋影淡月踈星報曉鐘僚案趨踰循節  
次衣冠舞蹈自從容連朝陰雨今朝霽為放  
祥光護九重

中秋即事

八月剛過半三秋適協中花間凝玉露樹杪  
動金風比戶逢時美連邨慶歲豐閭閻欣婦  
子街市鬧兒童食足人心慰民安萬事通一  
盃酹明月吟賞樂無窮

祈晴

連日陰、未放晴竊愁多雨碍秋秔  
天心篤愛原無盡人事殷勤貴有誠一念因  
民祈感格萬家望歲盼豐亨齋心此日申虔

禱佇看光懸皦日清

秋祀

天后

秋分前二日蠲吉發馨香晉后冠裳肅同天  
歲月長林家推聖女閩地是仙鄉方伯來其  
處淵源自恣詳

譚方伯由閩臬  
新授滇藩故云

賦得門聽浙江潮

得門字

蕭々靈隱寺寂々古山門塵慮捐身外潮聲

到耳根因風疑虎嘯無雨却雷喧空發錢王  
弩難安伍相魂波濤排海岳浩瀚轉乾坤此  
際遊山客清幽孰與論

秋日登太華寺四首

乘曉趨蹌天后宮扁舟向午趁輕風波濤不  
起平如鏡知在神靈呵護中

便易肩輿上太華藤梢竹刺徃敢斜行、漸  
入清佳處山路迢遙興轉賒

古刹森嚴別洞天  
庭前桂樹拂雲煙  
峰高直與三霄比  
疑是香飄月窟邊  
鐘鼓聲中起晚煙  
下山還上米家船  
四圍雲散天多碧  
宜擊空明泛月旋

晴

今朝秋色好  
天氣忽晴明  
宿霧凌晨散  
涼風向午生  
嘗新逢稻熟  
御袂覺衣輕  
尤喜更深後  
輪開玉宇清



丹桂飄香即席賦贈定軒學使

秋來景物未蕭々，丹桂芬芳正及朝。  
真色何曾因雨減，天香却似逐風飄。  
看花把盞思偏逸，翦燭裁詩興自遙。  
君是東堂延賞客，為花開放敢相招。

九月朔日

金風漸送涼，玉露欲成霜。  
荷淨惟餘蓋，禾香待築場。  
三秋時未老，九月日猶長。  
轉瞬重陽

近東籬菊正芳

壽方厓制府二首

籬外黃花正吐芳  
夜看南極耀輝煌  
政和喜獲時和美人壽欣同

國壽長款、談兵威德普行、按部稻禾香  
遙瞻節鉞臨何處  
邇日先應過永昌

聊憑尺素慰心知  
一使何如覲面時  
地隔東西瞻使節  
夢從雲樹想威儀  
年同強仕非衰

老

余視公差長一歲年力俱在壯盛故云

節過重陽惜別離所

喜歸來多吉事華堂稱慶拜萱慈

秋日登樓晚眺

登樓值晚晴憑檻寂分明雲散天光淨禾收  
地坂平微風征鳥疾落日暮煙生遙想茅簷  
裏寒衣倍繫情

賦得初日照露盤

得盈字

旭影開三殿朝陽燭九成金莖連地耀玉露

接天盈瑞色凌霄漢珠光映太清峻同丹闕  
燦高出翠華平乍見瞳矐煥還看沆瀣生千  
秋懷漢武勝蹟永留名

寄曹竹虛二首

維揚淮海派朝宗天降賢才秀獨鍾職掌新  
兼京兆尹班聯特晉大司農交情為積經年  
濶友誼因增兩地濃聊藉雙魚傳款曲却愁  
雲樹隔重

風流儒雅亦吾師

用杜句

况復言心事

知管

鮑相期先有約張陳不似定無移

余在西川軍營時接

竹虛來書期以管鮑為法張陳為戒言之諄切

承

恩我愧司疆域拜

命君堪總度支内外居官雖有別丹誠酬

主共孜

### 題五華待漏圖二首

披圖瑞繞五華山朱綠分明色不徧圖裡紛

公餘集

卷五

六

紛人馬簇為因元旦集朝班

籍甚唐賢賦早朝後來那克續前貂所欣勝  
彼杼虛藻作頌

古稀實政饒

九月五日赴譚蒼亭方伯壽筵即席成  
什

紫霞用易柏香堂

前方伯於藩署題額柏香堂名義不甚相符今易書

紫霞書屋較為切當

景物依然氣發揚責實循名今日

政地靈人傑百年昌歲過花甲鬚猶黑時遇  
夷庚體自強薇省開筵欣霽色湯云風雨近  
重陽

九日闕河後詣太和宮登高即席二首  
出闕河防行四野共欣節序是重陽臨流復  
赴登高約對菊還宜把酒償日霽天清張幕  
碧秋深稻熟捲雲黃金銀殿宇凌層漢絕頂  
升臨氣色昌

昨已蠲期有此行只因雨阻滯遊程今來恰  
值題餞節小集聊舒落帽情地暖簷前無葉  
落天晴籬畔有花明不愁坐久歸途晚月照  
千山馬首迎

九日登高歸途口占

賞罷重陽酒宴收歸來風物倍清幽月明策  
馬看村遠夜靜過橋聽水流林樹飄飄楓葉  
落衣襟馥菊香留擡頭見與官衙近逸興



還須一上樓

重陽家宴海山閣二首

家宴重陽閣峻高  
糗餐花飲鬥兒曹  
劉郎別有關心處  
何必詩中負世豪  
月朗風高燭影明  
菊花滿泛綠樽清  
銜盃那是銷愁處  
秋稔家一稻穀盈

偶題

一家行適意  
須念世人難  
笑語傾盃酒  
殷勤

辨日餐從容由飽暖忙迫轉飢寒解得其中  
意身心到處安

菊山

移得三秋菊堆成九仞山容宜霜後瘦色豈  
雨來斑俯仰身難上徘徊手易攀積非由細  
壤位置亦云艱

菊屏

採取東籬菊堆成錦繡屏幽香饒靜室瘦影

上疏櫺雲母非堪擬瑠璃豈足形用斯陳隔  
座亮隲合居庭

承華圃校武後至寶雲亭小集

秋禾刈後蒨黃天校閱承華射圃前馳馬如  
飛兼起躍挽弓有力更連穿躬親發矢非爭  
勝政欲探源在率先事罷尋幽采一叙寶雲  
亭額看初懸

亭舊名寶雲永  
觀察新為書額

百步穿楊

百步穿楊古有之揚穿一葉却堪奇力充或  
可風吹到目遠焉能矚及斯在昔相稱人早  
豔於今特剖我偏疑讀書盡信由來忌端在  
權衡理所宜

佛手

佛手因何得美名尖々十指象形生分來金  
色堆盤耀掬得幽香在握盈春雨花輸桃李  
豔秋霜味罄橘橙清人皆說佛無人見此手

應疑是佛成

寄粵西孫春臺撫軍

向說宜人獨桂林

宜人獨桂林工部句也

近從嶺外惠

佳音定知德政施于粵迴想仁聲遍及黔御

史都臺還似舊

史公先由副都御史出藩黔省

中丞開府正

當今千言萬語無須寄報

國孜孜在一欽

讀左史

論文左氏高千古二百年來有史遷若使兩  
人生一世題名未必不同年

晴

西風陣、生雲散碧天清今夜晴光好安排  
看月明

喜晴

久陰人意嬾一霽慰羣生嘉穀登場滿新糧  
入市盈捲簾和氣入曝背旭光迎更念茅簷

下雞豚慶歲成

晉文公

取威定霸晉文公在外多年業不空巨室相  
從多俊傑深閨到處遇英雄身嘗困境材逾  
壯運到老來命更通尤喜箕裘能紹美齊桓  
雖正邾堪同

題晉楚邲之戰

救鄭欣逢鄭楚平原當返旆各休兵只因主

帥無成見遂致三軍敗起爭益信事權應畫  
一從來謀略忌紛更人多口禱千秋患九節  
度師亦此情

賦得開林見遠山

得山字

落木蕭々下叢條漸々刪天澄開遠障地迴  
見遙山乍睹橫雲外迴看入畫間晴嵐呈秀  
削瘦骨露孱顏樓對羣峰簇窗收列岫環日  
含光愈耀霜染色添殷儘可馳雙目寧同瞰



一斑徘徊無限意翹首欲登攀

奉到

恩賜鹿肉恭紀

秋獮年、獲鹿鮮優

恩頒賜逮南天啓筐猶帶風霜色  
嘗味疑隨羽獵旋一騎遙來迎郭外  
寸心切感拜堂前  
古稀天子還勤武念此能無益勉旃

冬日新植桃杏適逢雨澤

新將桃杏兩行栽，忽送霏、細雨來。潤土根，  
應盤土固，灑枝花自滿。枝開全憑人力，移從  
野更幸天工。材者培此地，三冬霜雪少，况當  
指日即春回。

題城濮之戰

城濮兵車霸業隆，簡編偶閱見威風。教民乃  
可驅民戰，避楚還收勝。楚功不念新婚琴瑟，  
靜却愁舊惠報施空。得天我吉，伏其罪賴有。

賢臣說夢工

十一月朔日

仲冬漸覺一陽生日出凌晨照遠明駕瓦霜  
留光燦々荷池冰薄水盈々整衣初著貂裘  
暝燒炭閒烹雀舌清更喜田家諸事竣四鄉  
碾穀米來城

簡賀粵東孫補山撫軍新

賜花翎

羽儀孔雀最鮮明新

賜花翎耀首榮喜見

鴻恩來鳳闌歡迎驛騎到羊城文人自昔曾

揚武

補山仰荷而昔年曾隨經

溫自有本係文人之語

使者而今正掌兵

補山近無累兩廣總督

翎管最宜真

翡翠

翎管以翡翠玉者為美

郵封好用綴冠纓

題莫教以師盟貳軫

春秋鬪廉出奇計奇計一出解莫教軍次郊

郢禦四邑何患鄖人軍其郊鄖人恃城無門  
志四邑見此那敢要攻敵攻心必得勝彼失  
所恃我有操師克在和不在衆况有銳師加  
於宵以此評史何所似彷彿唐宗據武牢建  
德迫而不敢進世充素服咸來朝唐有良將  
郭孝恪前有鬪廉亦世豪英雄智謀如一轍  
千古上下誰云遙

冬日樓望

登樓憑檻望子月在初旬  
麥隴初含翠冰池

已似銀冬閒勤武事

是日諸將士在承華園演兵

野靜息

農人薄暮寒林動歸鴉似叫隣

### 送鶴於太華山寺

翩翩白鶴本稱仙  
縱往高山適性天  
馴鹿林間堪作伴  
青牛巖下好同眠  
一聲上徹雲霄裏  
雙羽時環水竹邊  
寄語山僧勤愛護  
莫將此鳥等飛鳶

恭和

御製趙孟頫汀草文鴛圖元韻

汀草萋萋、傍岸生文鴛、飲啄自宜情、游鱗更躍、波光裏物態無窮、轉水晶

月

木落天寒、月色明、推窗一看水盈、景宜對月時、宜睡夢裡相逢、兩適情

冬日同人小集司鹺揚觀察署中是日

稽核庫貯

三冬日暖未垂簾拂、微風入畫簷不厭簿  
書勤考核可知課賦出閭閻民無食淡輸休  
緩款貴年清政豈嚴却愧主人偏愛客盤中  
不止水晶鹽

題晏子辭宅

更宅君之仁辭宅臣之禮既成而毀之未免  
失情理君命凜然何竟執若此也而可



為充類何所底吁嗟晏平仲此舉大過矣憶  
漢丞相何治宮本太多高帝始切責誰云意  
不美臣言苟有當君即為之喜何況臣與君  
分位隔堂陞上下千百年其事可取比漢究  
王命歸齊僅顯而已晏子而有知能無愧後  
起

十一月十五日

望日曛曛光四耀再過五日一陽生

本月二十日冬

至梅花結蕊含珠滿柑實舒黃照眼明終歲  
愁因愁歲歎此時喜以喜時亨殷々默向神  
前祝為祝明年稻麥盈

十一月十七日內子生辰作

節屆陽生日漸長全家慶集惠風堂簷前茶  
蕊初含艷座上蘭花已吐香鶴欲添籌雙翅  
舞人欣增壽百年昌夜來更喜多佳景月色  
溶々繞畫廊

長至日五華山齋集恭紀二首

亞歲初陽復朝天萬國同南滇饒瑞色

北闕記祥風藹

皇仁普巍

帝德隆五華山頂上齊口效呼嵩

去歲瞻雲物黃雲布滿天今仍逢瑞兆又可

卜豐年

冬至瞻雲物五色中惟黃雲主年豐去歲是日在五華山見有黃雲今年

春秋二季收穫俱佳本曰復見黃雲滿布明年麥稻收成或可又邀上天福祐也

公餘集



卷五

十七

民氣增和樂官場勵輦虔  
平明朝散後覓句  
費尋研

長至日家祀

一陽初復喜升新  
指日風光斗建寅  
湯道年華如過隙  
還欣花樹又逢春  
官期報

國榮先祖祿不營  
私潤族人我欲時  
存此志休教片念愧  
君親

韻語擷華題句 并引

詩中佳作甚夥閱之不能悉識讀之不勝其讀因於詩中最佳者採一二語彙成一冊名曰韻語擷華以便隨時取閱然究未免挂一漏萬耳

韻語多佳不易收精華慎選取其尤奇花一藏簾內美玉雙、置案頭翻閱無須全帙動吟哦只用片時周李唐而後連車富此舉

難過腋集表

題旭亭廡使小照四首

披圖忽見景清幽  
丹桂飄香翠竹脩  
中有主人勤角藝  
風光不負好三秋

武備由來射最先  
公餘有事意超然  
凝神熟視持弓固  
一箭遙飛定中堅

繪圖時節猶觀察  
此日頭銜喜已加  
旭亭近  
使治獄好將操射  
比絲毫分際莫教差

圖中題句誰談諧我準繩弦不用乖壯載相  
交如一日望君事業慰余懷

十二月朔日二首

匆匆節序到嘉平  
蓂莢欣看一葉生  
所喜連朝春意透  
利貞已漸轉元亨  
誰將春信寄蘭香  
更有梅花亦吐芳  
最是滇南花事早  
一年四季看花忙

惠風堂茶花初開二朶偶題

綠樹攢紅兩朶開  
艷濃欲放尚徘徊  
想因未得東風便  
姑勒精神待歲來

明年正月立春

乙巳嘉平偕方厓制府閱省城六營士

年

六營多健銳  
衆士富英豪  
暇日分場演  
臨期合隊操  
連環聲欲續  
進步力忘勞  
駿馬交衝陣  
籐牌對舞刀  
威嚴齊試岳  
迅捷捲江濤  
旗鼓圍旂蓋  
千戈擁節旄  
角吹營伍肅  
令發將



臺高不用終須備，馬能過兩曹。

惠風堂梅花

惠風堂上惠風長，拂得梅花幾樹香。  
嫩蕊疏疏偏愛冷，冰姿皎皎待舒陽。  
節過冬至纔旬日，時近春初看淡妝。  
更有山茶齊吐豔，隔簾掩映鬥芬芳。

海山閣手植梅花再開二首

庭前梅是手中栽，已見花時兩度開。  
樹木樹

人堪比擬所希速獲出羣材  
此花何幸近樓臺時得人工次第培若聽自  
開還自落焉能歲歲占春魁

詠紅梅用石蘭老人元韻二首

春風桃杏暎樓臺先讓梅花鬥豔開不辨滇  
南陽氣早幾疑花自火中來  
一枝清豔却殊羣彷彿流霞色帶薰尤怪紅  
妝先綠萼生機妙理正難分

題譚薈亭方伯臨池小照二首

公餘逸興寄臨書不帶不冠意自如舉筆沈吟心有憶想因國是費躊躇

徑丈由來獨擅奇

薈亭善書大字蠅頭欲寫又臨池

蘭亭帖是君真本况有獻之作好兒

公令郎亦善書

題薈亭彈琴聽琴小照二首

自彈自聽意沈沈流水高山一曲琴空處未  
圖環立者祇緣此調少知音

衆器之中德最優宣情理性自悠  
笙歌鼎沸須人集何若鳴弦十指由

白玉子兒

美玉出和闐晶瑩結子圓山中難採獲水底  
豈終捐出子兒玉俱伴雪疑同白凝胎訝獨堅  
取去歸掌握團潔不須鐫

宜良縣學宮向北非制也闔邑紳士請  
移建朝南詩以誌事

建造由來取向陽  
黼宮失向笑宜良  
多年艱  
謬難仍貫就地遷移貴有方  
殿宇面南昭物  
象衣冠拜止仰羹牆功成  
怡值賓興歲  
乙巳  
興工丙午春  
間即可蒞事  
文治光輝喜日昌

聞黑龍潭梅花盛開未能即往因遣卒  
馳馬到彼折取一枝持回以供案頭  
清賞亦一時韻事也為賦長句一首

遣折梅花匹馬旋插瓶貯水色香妍人因滯

事遲花約花豈忘人倚地偏看去山風猶滿  
把移來春意喜同延尋梅返取梅相就竊恐  
梅花笑我顛

見市上進城米數及七十石喜而有作  
歲收豐與歉視米之入城三十則歉矣四十  
亦非亨問數以何適五十用作程昨忽六十  
石余已慶有成茲又逮七十喜從望外生上  
感

天恩渥下志關閭爲民之特者際此何爲  
情檢點公與私最忌政不平時一當黽勉戒  
在重與輕如何能順則所貴公復明公明豈  
易致義慾兩相爭祛慾令歸義敬慎一念誠  
封印後一日詣黑龍潭賞梅即呈方厓

制府四首

閒情封印後逸興賞梅先兩樹花全放空山  
色欲然朱顏非豔冶鐵幹自盤旋愈老神逾

公餘集

茂於斯可悟禪

歲有尋梅約羅浮意興長出城寧覺遠入寺  
即聞香潭面游魚躍山頭嫩蕊芳樂堪同物  
我何事擬濠梁

秋豐糧值賤春土又全耕對此覩民隱差堪  
慰吏情尋芳欣歲美攬勝喜時清梅亦含知  
識爭開潤太平

前年君獨賞去歲我來遊今日欣同宴



熙朝喜共舟

癸卯甲辰之冬子與

觀暗香環席

起斜影入樽浮一話三年事吁嗟歲月流

題秦穆公用孟明事

秦穆亦一霸、由用孟明孟明誠宜用所用  
違所能觀其修國政彼本一文卿乃翁百里  
奚尚憚口舌爭箕裘紹家法豈堪畀專征誰  
知當日事竟任握重兵傳所豔稱者三戰霸  
業成三戰一未敗兩敗實可懲何如初不戰

修政著令名嗟哉秦穆公幾誤百里生

賦得金在鎔

得成字

麗水喜金生陶鎔得體成煙隨良冶發火以  
積薪紫焰起霞光燦爐開日彩明應乾堪作  
象擲地忽聞聲品負雙南貴工因百鍊精滇  
中稱地產礦質望長盈

市上有賣杏花者買回一枝偶題

街頭呼賣杏花紅未識誰家入手中杏宴還

須攀桂客春秋得意自相同

王丹峯書案陳生彘一肩戲作

案頭生彘帶凝肪肉味書香兩可嘗君素多  
謀非食鄙切而啗之潤詩腸

玻瓈窗看花

玻瓈窗內看花清杏燦梅芳兩吐英忘却花  
枝搖檻外只疑鏡裏照分明

除夕

望春復望秋歲事一年周  
民氣添和樂官心  
解鬱愁梅花醉臘燦爆竹向春稠  
來日屠蘇  
飲真堪對景酬